

# 雷公炮製藥性解目錄

## 卷一

金石部 三十三種 ..... 一—三

金銀箔 黃丹 胡粉 銅青

鉄漿 鉄銹附 水銀 輕粉 銀硃

密陀僧 丹砂 鍾乳 礬石

禹餘糧 硝石 六種 滑石 石膏

青鹽 食鹽 雄黃 紫石英

赤石脂 寒水石 花蕊石 陽起石

蓬砂 胆礬 青礬石 無名異

玉屑 自然銅 石燕 磁石

硫黃

果部 十八種 ..... 四—六

陳皮 核附 青皮 枳殼 枳實

杏仁 肉附 桃仁 花毛虫 叶实附 大棗 烏梅

藕 皮節蓮子 蓮鬚 枇杷叶 实附 石榴皮

山查 梨 柿 柿干 芡实

胡桃 龍眼 橄欖 仁附

穀部 十一種 ..... 二〇—三

麥芽 神麴 酒 醋

飴糖 胡麻子 白扁豆 豆花附 綠豆

赤小豆 芝麻 豆豉

## 卷二

草部上 四十二種 ..... 二四—四

人參 黃耆 甘草 当归

川芎 山藥 白朮 蒼朮

芍藥 赤白 生地黃 熟地黃 知母

貝母

黃芩

黃連

大黃

桔梗

天花粉仁与子附

半夏

紫苏

白芷

防風

独活

羌活

柴胡

前胡

香附

麻黃

葛根

麥門冬

天門冬

五味子

升麻

藁本

細辛

連翹

澤瀉

玄胡索

地榆

防己

常山

草龍胆

### 卷三

草部中

五十四种

.....四一六

玄參

丹參

苦參

紅花

三稜

蓬莪朮

天麻赤箭附

南星

秦艽

遠志小草附

破故紙

葫蘆巴

何首烏二种

威灵仙

牛膝二种

黃精

蒲黃

續斷

益母草

肉蓯蓉

鎖陽

車前子

紫苑

百部

百合

款冬花

馬兜鈴

青黛

甘菊

薏苡仁

牡丹皮

菟絲子

茴香大小二种

砂仁

白豆蔻

肉豆蔻

草豆蔻

草果

菖蒲

黑附子

天雄

烏頭

烏喙

側子

射干

旋覆花

大戟

商陸

葶藶甜苦二种

牽牛子

黑白二种草薺

木通

通草

### 卷四

草部下

五十四种

.....六三一

灯心

石斛

石葦

白蒺藜子

青葙子

木賊

茅根

仙茅

鬱金

姜黃

牛蒡子

紫草

白头翁

白前

白薇

白附子

# 卷五

木部 五十七种……………七—〇二

茯苓 赤白二种伏神附  
琥珀  
松香 子花叶附  
柏子仁 桂 分为四种  
槐实 枝皮花附  
木香  
山梔 吳茱萸 山茱萸 蔓荆子

蚤休 白蘇皮 蘆薈 胡黃連  
澤蘭 狗脊 青蒿 華撥  
王不留行 淫羊藿 巴戟天 蘭叶  
水萍 决明子 蓖麻子 馬鞭草  
蘆根 蛇床子 金銀花 山豆根  
艾叶 薄荷 豨薺 蒲公英  
夏枯草 藿香 荆芥 香薷  
佛耳草 蒼耳子 茵陈蒿 使君子  
高良姜 石蓮子 合欢皮 萱草根  
刘寄奴草 覆盆子

# 卷六

菜部 十种……………〇一—〇五

生姜 乾姜 萊菔 子附  
白芥子

杜仲 烏藥 厚朴 黄柏  
桑白皮 枝梗寄生附  
枸杞子 二种地骨皮  
酸棗仁 益智 檳榔 大腹皮  
丁香 冰片 猪苓 苏木  
沉香 乳香 沒藥 木瓜  
竹叶 苦竹竹瀝竹茹附  
天竺黄 金櫻子  
訶梨勒 子附 郁李仁 蕪荑 五加皮  
楮实 樹汁附 秦皮 樗白皮 椿皮 密蒙花  
辛夷 蕤仁 女貞实 五倍子 百藥附  
牙皂 皂角 刺附 巴豆 金鈴子 紫葳  
雷丸 鉤藤 血竭 茶茗  
阿魏 乾漆 楓香 蜀椒

韭根子附

蒜

胡荽子附

葱白

冬葵子

白冬瓜

人部 十种

.....一〇五——一〇六

乳汁

金汁 二种

屎蛆

人溺

秋石

月水

髮 三种

紫河車

天灵盖

死人枕

禽獸部

十九种

.....一〇六——一〇七

黑嘴白鴨

綠头鴨附

烏骨毛鷄

雄雀

雀卵

伏翼

龍骨齒附

虎骨

犀角

羚羊角

牛黃

麝香

鹿茸

鹿角麋角茸附

阿膠

熊胆

膾肭臍

狗肉 陰莖血附

羊肉

黃牛肉 牛乳腦角臍胆附

猪肉

四蹄臟腸腎肚肺心舌油腦膏附

虫魚部

二十六种

.....二七——二八

蜂蜜 蠟附

牡蠣

珍珠

石決明

龜甲

龜尿敗龜板夾蛇龜附

鱉甲 肉附

蕪州烏蛇

白花蛇

蝦蟆 唇酥及肪附

蠟

五灵脂

蜈蚣

蝸牛

白殭蚕 雄蚕附

蟬蛻

刺蝟皮

土鱉虫

蜚蠊

斑蝥

穿山甲

鯽魚子附

鯉魚 胆血脂腸鱗骨附

烏賊骨

鰻鱺魚骨附

鱔魚 血附

蟹爪附

# 雷公炮製藥性解卷一

明 雲間 李中梓士材編輯  
清 吳門 王子接晉三重訂

## 金石部

**金銀箔** 味辛。性平有毒。入心肺二經。主安心神。定驚悸。鎮顛狂。除邪熱。

按金銀之入肺部。固其類也。其性沉重。能制火臟之輕揚。故亦入心經。過服必中其毒。以鷓鴣肉解之。

**黃丹** 味辛。性微寒有毒。不載經絡。主吐逆顛狂。止痛生肌。

按黃丹乃熬鉛所作。鉛本水中之金。最能制火。吐狂等証。何者非火。而有不瘳者乎。

**胡粉** 味辛。性寒無毒。不載經絡。主一切癰腫諸毒。及腐爛肉。殺三虫。破癥結。

按胡粉一名粉錫。實亦化鉛所作。能破結殺虫者。其亦鎮墜之功歟。

**銅青** 味苦澀。性平有微毒。不載經絡。主斂金瘡。治眼暗。止血殺虫。能去腐肉。

按銅青即銅綠。本醋沃銅上而得其精華。醋能收斂。故斂瘡止血。其去腐肉者。亦醋之功。眼乃肝竅。眼之不明。肝之病也。得金之精以制木。而目之暗者從此明矣。

**鉄漿** 味甘澀。性平無毒。入心肺二經。主顛癇狂乱。解諸毒入腹。蛇犬咬傷。鎮心神。明眼目。墮洗漆瘡。随手而愈。

鐵銹、油調之。可敷惡瘡瘡疥。蒜磨。敷蜘蛛咬傷。按鉄漿、即浸鉄色青可染皂者。質本金也。宜归肺部。性本沉也。宜鎮心家。明目治漆。皆由伐木之功。鉄銹可敷瘡毒。亦以發在外者有散之義歟。

水銀 味辛。性寒有毒。不載經絡。主疹癩癰瘍。白禿皮膚。殺虫虱。墮胎絕孕。解金銀銅錫毒。熔化還復為丹。服之神仙不死。畏磁石砒霜。

按水銀療虫疹等証。良由其毒也。又殺五金毒者。蓋以其性陰柔。能消五金為泥耳。入耳能蝕腦至盡。入肉令百節攣縮。倒陰絕陽。性滑重。極易入肉。最宜謹之。能下死胎。可灌尸骸。內傳極言其煉服之功。然后世食之者。往往喪生。可為妄信者戒。

雷公云。凡草中取者。并朱漆中者。俱不可用。經別藥制過者勿用。曾斂過死尸。及半生半死者勿用。若在硃砂中產出者。其水銀色欲紅。收得后用葫蘆盛之。免致遺失。若先以紫背天葵。并夜交藤自然汁二味同煮一伏時。其毒自退。若修十兩。止用煎二味汁各七鎰。和合煮足為度。

輕粉 味辛。性寒有毒。不載經絡。主通大腸轉胞。諸瘡虫癬。小兒疳積。輕明可愛。燒火上走者真。

按輕粉即水銀所升者。本草言其無毒。誤也。外科需為要藥。但勿輕用服食。今見癰癰方中多用之。必能損人腸胃。不可不戒。其值頗貴。市中多燒凝水石及石膏為粉以亂真。須

細辨之。

銀硃 味苦辛。性溫有毒。止入敷藥殺虫。餘無他用。

按銀硃亦水銀燒就。中其毒者。令人發脹至死。可弗慎耶。

密陀僧 味鹹辛。性平有毒。不載經絡。主皮膚斑点。五痔金瘡。嗽嘔吐痰。禁瘡痢。鎮心驚。體重如金色者佳。水飛用。

按密陀僧一名沒多僧。質極重。過服伤人臟。

雷公云。凡使搗令細。于礮鍋中安置了。用重紙袋盛柳木末于密陀僧鍋中。次下東流水。浸令滿。着火煮。一伏時足。去柳木紙袋。取密陀僧用。

丹砂 味甘。生者微寒無毒。煉者大熱有毒。入心經。主鎮心安神。益氣明目。通血脈。除煩滿。止消渴。療百病。殺精祟鬼邪。祛疥瘡癬虫。久服成仙。畏碱水。大如鷄卵。形似芙蓉。破之若雲母光明照徹者佳。

按丹砂之色。屬丙丁火。心臟之所由歸也。質性沉滯。勿宜多用。青霞子云。入石見火。悉成灰燼。丹砂伏火。化為黃銀。能重能輕。能神能靈。能黑能白。能暗能明。太清云。外包八石。內含金精。先稟氣于甲。受氣于丙。出胎見壬。結魄成庚。增光歸戊。陰陽升降。各本其原。考茲二說。則服食成仙之說信矣。自唐世太平日久。膏粱之家。弗得其理。惑于方士。都致殞身。習俗成風。至今未已。斯民何辜。蒙此慘禍。其理淵奧。察之

實難。吾願好事者慎之。

雷公云。凡使宜須細認。取諸般尙有百等。不可一一論之。有妙硫砂。如拳許大。或重一鎰一塊者。而面如鏡。若遇陰雨天雨。即鏡面上有紅漿汁出。有梅柏砂。如梅子許大。夜有光生。照見一室。有白庭砂。如菩提子許大。上面有小星現。有神座砂。不經丹灶。服之面白延年。其次有白金砂。澄水砂。陰成砂。辰錦砂。芙蓉砂。鏡面砂。箭鏃砂。曹未砂。土砂。金星砂。平面砂。神水砂。不可一一細述也。凡修事硃砂。先于一淨室內焚香齋沐。然后取砂以香水浴。拭乾、即碎搗之。后向鉢中更研。三伏時。即取一磁鍋子放了砂子。用甘草。紫背天葵。五方草。各銼之。著砂上下。以東流水煮。亦三伏時。勿令水盡。闕失時候。約去三分。次入青芝草。山鬚草。半兩。蓋之。下十斤火燉。从巳至子時方歇。候冷。再研似粉。如要服則入熬蜜丸。如細麻子許大。空腹服一丸。如要入藥中用。則依此法。凡燉自然炭火。五兩硃砂。用甘草二兩。紫背天葵一鎰。五方草自然汁一鎰。同東流水煮過。

鍾乳 味甘。性溫有毒。入肺腎二經。主泄精寒嗽。壯元氣。益陽事。安五臟。通百節。利九竅。下乳汁。亦能通聲。光潤輕松。色如煉硝石者佳。久研忌歇。須用水飛。以搽臂上入肉不見為度。蛇床为使。惡牡丹玄石牡蒙。畏紫石英藁草。忌羊血。

按鍾乳性溫。而狀有下行之義。宜入腎經。肺即其母也。故并入之。諸家本草述其功者甚



衆。惟丹溪以為慄悍之劑。不宜輕用。不煉而服。使人病淋。

雷公云。凡使勿用头粗厚并尾大者。为孔公石。不是。色黑及經大火燒過。并久在地上收者。曾經藥物制者。并不得用。須要鮮明薄而有光潤者。似鷺翎管子为上。有長五六寸者。凡修事法。以五香水煮過一伏时。然后漉出。又別用甘草紫背天葵汁漬。再煮一伏时。凡鍾乳八兩。用沉香零陵香藿香甘松白茅各一兩。以水先煮過一度了。第三度方用甘草等三味。各二兩。再煮了。漉出拭乾。緩火焙之。然后入臼杵如粉。篩過却入鉢中。令有力少壯者兩三人不住研。三日夜勿歇。然后用水飛淨了。以絹籠之。于日中晒令乾。又入鉢中。研二万遍。后以磁合收貯用之。

**礬石** 味酸。性寒無毒。入肺肝二經。主寒熱泄痢。白沃陰蝕。諸惡瘡癬。清喉痹。除目痛。祛固熱。禁泄瀉。收脫肛。同皂莢可吐風痰。和蜜蠟能消癰腫。光明如水晶者佳。甘草为使。惡牡蠣。畏麻黃。

按礬石西方之色。宜入肺家。東方之味。宜入肝部。肺肝得令。而寒熱諸証可無虞矣。然亦收斂之劑。弗宜驟用。

雷公云。凡使須以磁瓶盛。放火中煨。令內外通赤。用鉗揭起蓋。旋安石蜂窠于赤瓶之中。燒蜂窠尽为度。將鉗夾出。放冷。敲碎入鉢中。研如粉。后于屋下掘一坑。可深五寸。却以紙裹留坑中一宿。取出再研。每修事十兩。用石蜂窠六兩。燒尽为度。又云。凡使要光

明如水晶。酸鹹澀味全者。研如粉。于磁瓶中盛。要盛得兩三升者。然后以六一泥泥于火畔。炙之令乾。乃研了白礬于瓶內。用五方草紫背天葵二味。自然汁各一盞。旋旋添白礬于火中逼。令藥汁乾。用蓋了瓶口。復以泥泥上下。用火一百斤煨。从巳至未。去火取白礬瓶出。放冷。敲碎取白礬。若經大火一煨。色如銀。自然伏火。銖兩不失。搗細研如輕粉。方用之。

**禹餘糧** 味甘。性寒無毒。不載經絡。主咳逆寒熱煩滿。崩中血閉癥瘕。骨節疼痛。四肢不仁。大熱痔瘻。牡丹杜仲为使。畏貝母菖蒲鐵器。

按禹餘糧、因禹行山中乏食。采此充糧。故以名之。則其無毒可知矣。太乙餘糧。本是一種。今諸家往往分別。惟陳藏器所言者近是。

**硝石** 味苦辛。性大寒有毒。入心脾二經。主六腑積聚燥急。留血閉藏。天行疫痢。伤寒發狂。停痰作痞。腸風痔漏。推陳致新。解諸石藥毒。種種實熱。悉可瀉除。能墮胎孕。大黃为使。惡苦參苦菜女菀。畏麥句姜。

按硝石為太陰之精。宜入心家瀉火。而脾即其子也。故并入之。丹溪云。本經言其無毒。誤也。能化七十二種石，豈無毒而然乎。分為六種。氣味相同。俱善消化驅逐。但朴硝力緊。芒硝馬牙硝力緩。硝石風化硝玄明粉。緩而又緩也。以之治病。病退即已。本經稱其煉服補益。豈理也耶。經云。熱淫于內。治以鹹寒。佐以鹹寒。古方因之。故都用大黃佐

芒硝耳。

雷公云。凡使先研如粉。以磁瓶子于五斤火中。煨令通赤。用鷄腸菜柏子仁和作一处。分九餅子許大。待餅子赤時。投硝石于磁瓶內。其硝石自然伏火。每四兩硝石。用鷄腸菜柏子仁共十五个。銖子尽为度。

滑石 味甘淡。性寒無毒。入胃膀胱二經。主利水道。實大腸。化食毒。行積滯。逐凝血。解燥渴。導乳汁。補脾胃。降妄火。白膩而無黃砂者佳。甘草石葦为使。惡曾青。

按滑石。甘宜于中州。淡宜于利水。胃与膀胱之所由入也。利益虽多。終是走泄之剂。無甘草以和之。弗宜独用也。

雷公云。凡使有多般。勿誤用之。有白滑石。綠滑石。烏滑石。冷滑石。黃滑石。其白滑石如方解石。色白。于石上画有白膩文便是。綠滑石性寒有毒。不可入藥中用。烏滑石似黑色。画石上有青白膩文。入用妙也。黃滑石似金顆顆圓。画石上有青及黑色者。勿用。殺人。冷滑石青蒼色。画石上作白膩文亦勿用。若滑石色似水白青色。画石有膩文者真。凡使先以刀刮。研如粉。以牡丹皮同煮一伏时。出去牡丹皮。取滑石。却用东流水淘过。于日中晒乾方用。

石膏 味辛甘。性寒無毒。入肺胃二經。主出汗解肌。緩脾益氣。生津止渴。清胃消痰。最理头疼。与方解石相似。須瑩淨如水晶者真。鷄子为使。惡莽草、馬目毒公、巴豆。畏鉄。

按石膏辛走肺。甘走胃。所以主發散。仲景名為白虎。盖有兩義。一則以其入肺。一則以其性雄。苟胃弱不食。及血虛發熱者。誤用之。為害不淺。

雷公云。凡使勿用方解石。此石虽白。不透明。其性燥。若石膏出剡州若山縣義情山。其色瑩潔如水晶。性良善也。凡使之。先于石臼中搗成粉。以密絹罗过。生甘草水飛过。去水。令乾。重研細。用之良。

**青鹽** 味鹹。性寒無毒。入腎經。主明目。止痛益氣。堅筋骨。助水臟。除心腹痛。破積聚。療疥瘡。一名戎鹽。一名胡鹽。

按青鹽味鹹。腎所宜也。故独入之。水臟既补。則明目堅骨等功。何足異耶。

**食鹽** 味鹹。性溫無毒。入腎肺肝三經。主鬼蠱邪疰毒氣。洗下部蠱瘡。吐中焦痰癰。熨疔氣及內腎氣。止霍亂及心腹卒痛。殺虫去風。明目固齒。白如霜雪者佳。炒研用。

按食鹽之鹹。本歸腎臟。肺即其母。肝即其子也。故并入之。本草云。多食傷筋損肺。水腫及咳嗽血虛者忌之。何也。盖以鹹走腎。過多則腎不能勝而受傷。于是盜食母氣。而肺氣亦損。肺損則金還剋木。夫肝主筋而藏血。肺主咳嗽而生水。數証之來。寧能免耶。

**雄黃** 味苦甘。性平有毒。不載經絡。主殺精魅鬼邪。蛇虺蠱毒。山嵐瘴毒。惡瘡死肌。疥癬虫蠹。百節中風。鼻中瘰肉。中惡腹痛。佩帶之。鬼神不敢近。諸毒不能傷。胎婦轉女成男。解藜蘆毒。大塊透明、中無砂石者佳。研細。水飛用。

按雄黃或以为黃金之苗。今有金窟處無雄黃。則斯言未足深信。夫孕婦佩之、能轉女胎为男。言若不經。然里中試之者往往獲驗。則有奪造化之功。非稟太陽之精。焉能臻此。殺蟲辟邪。宜其效矣。中其毒者。以防已解之。

雷公云。凡使勿用黑鷄黃。自死黃。夾膩黃。其臭似雄黃。只是臭不堪用。時人以醋洗之。三兩度。便無臭氣。勿誤用也。次有夾膩黃。亦似雄黃。其內一重黃。一重石。不堪用。次有黑鷄黃。亦似雄黃。如烏鷄头上冠也。凡使要似鷓鴣鳥肝色为上。凡修事。先以甘草、紫背天葵、地胆、碧椀花四件。并細銼。每件各五兩。雄黃三兩。东流水入瓦鍋中煮三伏時。方漉出。搗如粉。水飛澄去黑者。晒乾再研。方入藥用。其內有劫鉄石。又号赴矢黃。能劫子鉄。并不入藥用。

紫石英 味甘辛。性溫無毒。入心經。主咳逆邪氣。寧心定驚。補不足。塗腫毒。又主婦人子戶風寒。十年無孕。長石为使。畏扁青、附子。惡黃連、蛇甲、麥句姜。

按紫石英为鎮重之劑。又有紫赤色。心經之所由入也。心主血。婦人得之。則血受溫補。而胎可結矣。

赤石脂 味甘。性平無毒。入心經。主養心氣。明目益精。療腹痛下痢。癰疽瘡痔。女子崩漏產難。下胞衣。惡大黃及松脂。畏芫花。

按石脂色赤。宜入心經。腹痛諸証。皆火为之殃。崩漏諸証。皆血为之禍。心主血屬火。

得石脂以療之。而更何庸虞哉。

**寒水石** 味辛甘。性大寒無毒。入五臟諸經。主內外大熱。時行熱渴。腹中積聚。解巴豆毒。凡使須姜汁煮之。汁盡為度。細研用。畏地榆。

按寒水石即凝水石。性極寒冷。故于五臟靡所不入。過服令人腸胃受寒。不能飲食。陶隱居云。夏月能為冰者佳。如此則舉世不能得矣。似乎失言。

雷公云。凡使先用生姜自然汁煮。汁盡為度。細研成粉。然后用之。每修十兩。用姜汁一鎰。

**花蕊石** 味性經絡。諸書不載。主金瘡止血。產血暈。火燬用。

按花蕊之功。專主血証。能化瘀血為黃水。服之令人大虛。不宜輕用。若多用。服后當以補劑培之。

**陽起石** 味鹹。性溫無毒。入腎經。主腎絕陰痿。崩中漏下。癥瘕結氣。有雲頭雨脚及鷺鷥毛者真。桑螵蛸為使。畏菟絲。惡澤瀉、官桂、蛇蛻、雷丸。忌羊血。

按陽起石鹹溫之品。宜歸水臟。崩漏癥結。皆腎虛所致。故咸療之。難得其真。勿宜誤用。**蓬砂** 味苦辛。性溫無毒。入肺經。主消痰止咳。理喉痹。破癥結。光明瑩澈者佳。

按蓬砂色白味辛。喘入肺部。痰嗽等証。皆肺火也。故咸治之。

**胆礬** 味酸苦辛。性寒有毒。不載經絡。主消熱殺蟲。止驚癇。吐風痰。鮮明者佳。

按胆礬之功。大抵与白礬相类。惟能止驚为少差耳。

### 青礬石

味辛甘。性平有毒。入肺大腸胃三經。主蕩滌宿痰。消磨食積。研細末用。

按礬石辛宜于肺。甘宜于胃。大腸者。肺家傳送之官也。故都入之。大損元氣。不可漫用。

### 無名異

味甘。性平無毒。不載經絡。主金瘡折伤内損。止痛生肌及長肉。消癰疽腫毒。

按海内人云。石無名異絕難得。土無名異不甚貴重。豈本經說者为石。今所有者为土乎。用时以醋磨塗患处。

### 玉屑

味甘。性平無毒。入肺經。主除煩止渴。養神明目。寧心定驚。滅癰痕。滋毛髮。助

声喉。美顏色。搗如米。苦酒浸之。消如泥。惡鹿角。畏款冬花。

按玉屑色白性潤。宜入肺部。肺得其養。則煩渴諸証何自而生。又主滅癰云云者。亦以肺主皮毛。功效之所必及也。

### 自然銅

味辛。性平無毒。不載經絡。主破積聚。療折伤。續筋骨。散血排膿。止痛定驚。

亦主產后血邪。凡使須搗碎。以甘草水煮过。又用醋浸一宿。以泥包裹之。火煅研細用。

按自然銅。实銅坑中所產之石也。其色青黄如銅。不从礬煉。故名之。丹溪曰。自然銅。

世以为接骨要藥。不知接骨在补气补血。补胃补肾。俗医惟冀速效。以罔利而用之。亦未稔其燥散之禍耳。

雷公云。石髓鉛。即自然銅也。方使勿用方金牙。其方金牙。真似石髓鉛。若誤餌。吐殺

人。其石髓鉛色似乾銀泥。味微甘。如采得。先捶碎。同甘草湯煮一伏時。漉出令乾。入臼中搗了。重篩過。以醋浸一宿。至明用六一泥泥磁器中。約盛得三升以來。放文武火中。养三日夜。才乾。便用盖盖了泥。用火煨兩伏時。去土。研如粉用。若修事五兩。以醋兩盞為度。

**石燕** 性涼無毒。味與經絡。諸書不載。主五淋小便不利。腸風痔瘻。妇人產難。兩手各握一枚。立驗。研細水飛用。

按圖經云。石燕出零陵郡。今祁陽縣沙灘亦有之。形似蚶而小。其实石也。觀其主治。都是行下之功。食療贊其补益。似未然耳。

**磁石** 味辛鹹。性寒無毒。入腎經。主周身濕痹。肢節中痛。目昏耳聾。补劳伤。除煩躁。消腫毒。令人有子。能吸重鉄者佳。入火煨紅。醋淬七次。研絕細用。柴胡为使。惡牡丹、芥草、黃石脂。

按磁石入腎。何也。盖以性能引鉄。取其引肺金之气入腎。使子母相生尔。水得金而清。則相火不攻自去。故主治如右。然久服多服。必有大患。勿喜其功而忽其害也。

雷公云。凡使勿誤用玄中石并中麻石。此二石真相似磁石。只是吸鉄不得。中麻石心有赤。皮粗。是鉄山石也。誤服之。令人生惡瘡。不可療。磁石一片。四面吸鉄一斤者。此名延年沙。四面吸得鉄八兩者。号曰續采石。四面吸得五兩上下者为磁石。凡修事一斤。



用五花皮一鎰。地榆一鎰。故綿十五兩。二件并細銼。于石上捶碎。作二三十塊。將磁石入磁瓶中。下草藥。以东流水煮三日夜。漉出拭乾。以布裹之。向大石上再捶。令細。入乳鉢中。研極細如塵。以水飛過。又研如粉用之。

**硫黃** 味酸。性大熱有毒。入命門經。主下焦虛冷。陽絕不起。頭禿。疽痔癰疥。心腹痠癖。脚膝冷疼。虛損泄精。瑩淨無夾石者良。甘草湯煮過用。畏朴硝、細辛、飛廉。忌百般禽獸血。按硫黃為火之精。宜入命門補火。盖人有真火寄于右腎。苟非此火。則不能有生。此火一熄。則万物無父。非硫黃孰與補者。太清云。硫稟純陽。号为將軍。破邪归正。返濁还清。挺立陽精。消陰化魄。戴元礼云。熱藥皆燥。惟硫黃不燥。則先賢常頌之矣。今人絕不用之。誠虞其熱毒耳。然有火衰之証。舍此莫療。亦畏而遺之可乎。中其毒者。以猪肉、鴨羹、餘甘子湯解之。

雷公云。凡使勿用青赤色。及半白半黃半赤半黑者。自有黃色如鷄雛初出声者為真。凡硫四兩。先以龍尾蒿自然汁一鎰。东流水三鎰。紫背天葵汁一鎰。粟逐子莖汁四鎰。合之攪勻。入瓦鍋。用六一泥固濟底下。將硫黃碎之。入于鍋中。以前件藥汁旋旋添入水煮之。汁盡為度。再以百部末十兩。柳虫末二斤。一簇草二斤。細銼之。以东流水并藥等同煮硫黃二伏时。去諸藥。取出。用甘草湯洗了。入鉢中。研二万遍。方妙。